

ք.Երևան

08 հունվարի 2021թ.

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Հովհաննես Մովսիսյանի, ով գործում է ընկերության կանոնադրության հիման վրա, մի կողմից, և

«Լեգարա» սահմանափակ պատասխանատվությամբ ընկերությունը (այսուհետ՝ Կատարող), ի դեմս տնօրենի Ժամանակավոր պաշտոնակատար Իրինա Մարգարյանի, ով գործում է ընկերության կանոնադրության հիման վրա, մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),

ստորագրեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԿԱՏԱՐՄԱՆ ԺԱՄԿԵՏԸ

- 1.1. Սույն Պայմանագրով Կատարողը պարտավորվում է Պատվիրատուի պատվերի հիման վրամատուցել բեռնափոխադրման ծառայություններ (այսուհետ՝ Ծառայություններ), իսկ Պատվիրատուն պարտավորվում է ընդունել մատուցված Ծառայությունները և վճարել դրանց դիմաց սույն Պայմանագրով սահմանված կարգով, չափով և ժամկետում:
- 1.2. Ծառայությունները մատուցվում են Պատվիրատուի պատվերում նշված բեռնատար մեքենայով: Այն դեպքում, երբ Պատվիրատուն չի կողմնորոշվում, թե համապատասխան քաշի, ծավալի բեռի փոխադրման նպատակով ինչպիսի բեռնատար մեքենա կպահանջվի, այդպիսի տվյալները ներկայացնում է Կատարողին, որը հաշվի առնելով սույն Պայմանագրի Հավելված 1-ով սահմանված բեռնատար մեքենաների տեխնիկական հնարավորությունները, ուղղորդում է Պատվիրատուին մեքենայի ընտրության հարցում:
- 1.3. Պատվերը ներկայացնելիս պետք է նշվեն պատվերի կատարման վայրն ու ուղղությունը, ինչպես նաև պատվերի կատարման նախընտրելի ժամը և տևողությունը: Պատվերները ներկայացվում են սույն Պայմանագրի կատարման նպատակով Կատարողի կողմից նշանակված կոնտակտային անձին հեռախոսազանգի միջոցով բանավոր կերպով, ոչ ուշ, քան պատվերի կատարման նախընտրելի օրվան նախորդող աշխատանքային օրը: Կողմերն արձանագրում են, որ Կատարողը տեղեկացված և համաձայն է, որ պատվերի ներկայացման և դրա բովանդակության ապացուցման նպատակով, Կատարողի կոնտակտային անձին պատվերի ներկայացման նպատակով կատարվող հեռախոսազանգերը Պատվիրատուի կողմից կարող են ձայնագրվել:
- 1.4. Կատարողը երաշխավորում է, որ յուրաքանչյուր պատվերի շրջանակում տրամադրված բեռնատար մեքենաները լինելու են տեխնիկապես սարքին վիճակում, անցած են լինելու ՀՀ օրենսդրությամբ պահանջվող տեխնիկական զննությունը, վարորդն ունենալու է տվյալ տեսակի բեռնատար մեքենա վարելու վարորդական վկայական, իսկ բեռնատար մեքենան վարելուց բխող վերջինիս պատասխանատվության ռիսկը ապահովագրված է:
- 1.5. Կողմերն արձանագրում են, որ Ծառայությունների մատուցման ընթացքում բեռնատար մեքենայի խափանման դեպքում Կատարողը պարտավորվում է անմիջապես փոխարինել տվյալ բեռնատար մեքենան այլ բեռնատար մեքենայով, բեռնատար մեքենայի փոխարինման ժամկետի համար չհաշվարկել սպասելավարձ, ինչպես նաև հատուցել բեռնատար մեքենայի խափանման հետևանքով Պատվիրատուին պատճառված իրական վնասը:
- 1.6. Կողմերն արձանագրում են, որ յուրաքանչյուր պատվերի շրջանակում սպասելավարձը 30 րոպեների համար անվճար է:
- 1.7. Կողմերն արձանագրում են, որ սույն Պայմանագրի պայմանները կիրառվում են Կողմերի միջև 2021 թվականի հունվարի 01-ից առաջացած հարաբերությունների վրա և գործում են մինչև 2021թ.-ի դեկտեմբերի 31-ը:

- օրենսդրությամբ սահմանված կիրառելի նորմերի, կանոնների և ստանդարտների պահանջներին համապատասխան,
- 2.4.2. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնությամբ,
- 2.4.3. Աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև մատուցված Ծառայությունների արդյունքն ընդունելիս, սույն Պայմանագրի 2.1.2 կետով սահմանված կարգով Պատվիրատուի համապատասխան պահանջը ստանալուց 1 (մեկ) աշխատանքային օրվա ընթացքում Պատվիրատուին տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 2.4.4. Հետևել սույն Պայմանագրի պայմանների սահմաններում Պատվիրատուի տված սույն Պայմանագրի կատարմանը վերաբերելի ողջամիտ ցուցումներին,
- 2.4.5. Պատվիրատուի կողմից սահմանված ողջամիտ ժամկետում վերացնել Ծառայությունների ընդունման ընթացքում հայտնաբերված թերությունները,
- 2.4.6. Հանձնման-ընդունման ակտի ստորագրման հետ մեկտեղ Պատվիրատուին տեղեկացնել Ծառայությունների արդյունքի շահագործման պահանջների և կանոնների, այդ պահանջները և կանոնները չպահպանելու հետևանքների վերաբերյալ, եթե դա կիրառելի է ելնելով Ծառայությունների բնույթից,
- 2.4.7. Պայմանագրի կատարման ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ՊԱՅՄԱՆԱԳՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ

- 3.1. Սույն Պայմանագրով նախատեսված Ծառայությունների մատուցման դրույքաչափերը (սակագներ) սահմանված են սույն Պայմանագրի Հավելված 1-ով: Սույն Պայմանագրի Հավելված 1-ով Ծառայությունների մատուցման համար սահմանված դրույքաչափերը (սակագներ) ներառում են բոլոր կիրառելի հարկերը, ինչպես նաև Ծառայությունների մատուցման համար Կատարողի կողմից իրականացվող բոլոր ծախսերը, ներառյալ վառելիքի ծախս, ակնկալվող օգուտ:
- 3.1.1. Կողմերն արձանագրում են, որ սույն Պայմանագրի շրջանակներում մատուցված Ծառայությունների ընդհանուր արժեքը չի կարող գերազանցել 490 000 (չորս հարյուր ինսուսու հազար) ՀՀ դրամը:
- 3.1.2. Կատարողը պարտավորվում է սույն Պայմանագրի 3.1.1 կետով սահմանված գումարի չափով Ծառայություններ մատուցելուց հետո տեղեկացնել Պատվիրատուին Պայմանագրով համաձայնեցված գնային սահմանաչափի սպառման վերաբերյալ, սույն Պայմանագրի շրջանակներում չընդունել և չկատարել բեռնափոխադրման պատվերներ՝ մինչև հակառակի վերաբերյալ Կողմերի միջև գրավոր համաձայնության ձեռքբերումը:
- 3.1.3. Կատարողը պարտավոր է չսկսել Պատվիրատուի պատվերի կատարումը, եթե այդպիսի կատարումը կհանգեցնի սույն Պայմանագրի 3.1.1 կետով սահմանված սահմանաչափի անցման: Սույն կետով նշված դեպքում Կատարողը պարտավոր է այդ մասին ծանուցել Պատվիրատուին:
- 3.2. Պատվիրատուն մատուցված Ծառայությունների դիմաց վճարումն իրականացնում է համապատասխան հանձնման-ընդունման ակտերի և հաշիվ-վավերագրերի երկկողմանի հաստատվելուց 30 (երեսուն) աշխատանքային օրվա ընթացքում:
- 3.3. Սույն Պայմանագրով վճարումն իրականացվում է անկանխիկ եղանակով՝ դրամական միջոցները Կատարողի բանկային հաշվեհամարին փոխանցելու միջոցով:
- 3.4. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 3.5. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:



- 5.5. Տուժանքի վճարումը Կողմերին չի ազատում սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:
- 5.6. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6. ՖՈՐՍ-ՄԱԺՈՐ

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը ստորագրելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը:
- 6.2. Եթե արտակարգ ուժի ազդեցությունը շարունակվում է 2 (երկու) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԳԱՂՏՆԻՈՒԹՅՈՒՆ

- 7.1. Սույն Պայմանագրի վերաբերյալ բանակցություններին կամ Պայմանագրի պայմաններին, այդ թվում՝ արժեքին, Պայմանագրից բխող գործողություններին առնչվող ողջ տեղեկատվությունը (այդ թվում՝ փաստաթղթերը), բացառությամբ զանգվածային տեղեկատվության միջոցներում առկա տեղեկատվության (եթե այդպիսին առկա է), գաղտնի է և չի կարող տրամադրվել որևէ երրորդ կողմի, բացառությամբ մյուս Կողմի նախապես տրամադրված գրավոր համաձայնության կամ ՀՀ օրենսդրությամբ նախատեսված դեպքերի:
- 7.2. Կողմերը պարտավոր են սույն Պայմանագրի գործողության, ինչպես նաև հաջորդող 3 (երեք) տարիների ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը՝ գործադրելով առնվազն այնպիսի ջանքեր, ինչպիսիք կգործադրեին իրենց իսկ նման տեղեկատվության պաշտպանության համար:

8. ԵԶՐԱՓԱԿԻՉ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում է մինչև Կողմերի համարսույն Պայմանագրով նախատեսված պարտավորությունների ամբողջական և պատշաճ կատարումը:
- 8.2. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
- 8.3. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 8.4. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 8.5. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված է Կողմերի լիազոր ներկայացուցիչների կողմից (կնիքի առկայության դեպքում նաև կնքված):
- 8.6. Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված կարգով և հիմքերով, ինչպես նաև Կողմերի փոխադարձ համաձայնությամբ:

Հավելված 1
2021թ.-ի հունվարի 08-ին ստորագրված
N ՀՀՀ-ՄԱԾՁԲ-21/2-Պ պայմանագրի

**ԾԱՌԱՅՈՒԹՅՈՒՆՆԵՐԻ ԱՐԺԵՔԸ
(ՍԱԿԱԳՆԵՐ)**

h/h	Բեռնափոխադրող մեքենա	1-6 կմ մինիմալ (ՀՀ դրամ)	1 կմ (ՀՀ դրամ)	40 կմ-ից ավելի (ՀՀ դրամ)	Սպասեւաւարձ 1 ժամվա համար (ՀՀ դրամ)
1.	Գազել-1.6տ	3600	360	240	1440
2.	Գազել (5մ)-1.6տ	4320	480	360	1800
3.	Գազ53 (4մ)-3.5տ	4800	600	480	1800
4.	Գազոն-Նեկստ (5մ)-5տ	6000	600	600	1800
5.	Գազոն-Նեկստ (6մ)-6տ	7200	720	720	2400

Սպասեւաւարձը 30 (երեսուն) րոպէի համար անվճար է:

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պատվիրատու

«Հայաստանի հանրային
հեռուստաընկերություն» ՓԲԸ

Հասցե՝ ՀՀ, ք. Երևան, Գ. Հովսեփյան 26
ՀՎՀՀ՝ 01540062
«Արդշինբանկ» ՓԲԸ
Հ/Հ՝ 2470102796740000

Կատարող

«Լեգարա» ՍՊԸ

Հասցե՝ ՀՀ, ք. Երևան, Հասրաթյան 13/5
ՀՎՀՀ՝ 00854105
«Հայէկոնոմբանկ» ԲԲԸ
Հ/Հ՝ 163008103018

Հովհաննես Մովսիսյան
Գործադիր տնօրեն



Իրինա Մարգարյան
Տնօրենի ժ/պ

